



Na osnovu Odluke Komisije za davanje prethodne saglasnosti za popunjavanje upražnjenih radnih mjesta u kantonalnim organima uprave i ostalim organima/ustanovama koji se u cjelosti ili djelimično finansiraju iz Budžeta Zeničko-dobojskog kantona, broj: 02-34-16086-2/16 od 18.11.2016. godine, a zbog ukazane potrebe za zaključivanje ugovora o djelu u Stručnoj službi za razvoj i međunarodne projekte, sekretar Stručne službe za razvoj i međunarodne projekte Zeničko-dobojskog kantona, dana 04.01.2017.godine, o b j a v l j u j e:

**JAVNI POZIV
za dostavljanje prijava radi angažovanja fizičkih lica po osnovu ugovora o djelu**

Stručna služba za razvoj i međunarodne projekte poziva zainteresovana fizičkalica za dostavljanje prijava za angažman na prevođenju dokumentacije u vezi sa Upitnikom Evropske komisije, te kantonalnih pravnih propisa koji će se dostaviti u prilogu odgovora na Upitnik Evropske komisije i stručnoj redakтури prijevoda odgovora i pravnih propisa, kako slijedi:

“prevodilac po osnovu ugovora o djelu»-4 izvršioca

Opis poslova: Prevod obuhvata prevođenje teksta sa jednog od službenih jezika BiH na engleski jezik, odnosno, prevod teksta sa engleskog jezika na jedan od službenih jezika BiH te jezičku redakтуру prevoda, što znači ponovni pregled prevoda i poređenje sa izvornim tekstom.

Prevedeni materijal će se isporučivati na adresu: Stručna služba za razvoj i međunarodne projekte, Kučukovića 2, 72000 Zenica u elektronskoj formi putem e-maila te u štampanoj verziji.

Pored općih uslova (da je državljanin BiH, da je punoljetan, da ima opću zdravstvenu sposobnost za obavljanje poslova, da u posljednje dvije godine od dana objavljivanja pozova nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX 1. Ustava Bosne i Hercegovine), te odličnog poznavanja rada na računaru (MS Word, Excel, Outlook),kandidat treba da ispunjava i slijedeće posebne uslove i to:

- a) završen Filozofski fakultet (Odsjek za engleski jezik i književnost), što se dokazuje ovjerenomkopijom diplome;
- b) potvrda o najmanje 3 (tri) godine iskustva u pismenom prevođenju sa engleskog jezika na jedan od službenih jezika Bosne i Hercegovine i sa jednog od službenih jezika BiH na engleski jezik nakon diplomiranja, što se dokazuje kopijom potvrde poslodavca o angažovanju na poslovima prevođenja, odnosno kopijom potvrde ili ugovora o poslovima sklopljenim sa naručiocem posla.

Kandidati treba da dostave prijavu sa slijedećim prilogima:

- biografiju,
- dokaze pod a) i b) o ispunjavanju navedenih uslova,
- kopiju uvjerenja o državljanstvu ili CIPS-ove lične karte

**Prijave je potrebno dostaviti Stručnoj službi za razvoj i međunarodne projekte
adresa: Kučukovići 2, 72000 Zenica ili na
e-mail: sluzba.razvoj@zdk.ba**

Rok za dostavu prijava je 13.01.2017. godine do 16 sati.